

ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСІЙ КУНДАЛИК ГАЗЕТАСИ

№ 194 (11.505)

Баҳоси эркин нархда



ПОЙТАХТНИНГ

2200
2009
ТОШКЕНТ

БИР КУНИ

Харидор дид ва талаблари асосида ишлаб чиқарилаётган маҳсулот турларини кўпайтириш, сифатини ошириш, албатта бозорда муносиб ўрин эгаллашда муҳим аҳамият касб этади.



Қўшма корхоналарда МАҲСУЛОТ ТУРЛАРИ КЎПАЯДИ

Бу борада хоржий шериклар билан ҳамкорликда фаолият юритаётган корхоналарда самарали изланишлар олиб борилмоқда. Айниқса, бугунги кун талабларига мос замонавий янги технологик линиялар, дастгоҳлар билан жиҳозланган корхоналарда иш самараси ҳам шунга яраша бўлиб, тайёрланаётган маҳсулотлар талаб даражасида бўлмоқда, турлари эса бозорни ўрганиш асосида ортиб борапти.

Пойтахтимизда 2004 йилдан буён фаолият кўрсатаётган «EVRO STONE» қўшма корхонаси австралиялик ишбилармонлар билан ҳамкорликда ташкил этилган. Айни пайтда корхонада тайёрланаётган ва бунёдкорликда қўл келаётган маҳсу-

лотлар сифати ҳамда рақобатбардорлиги билан харидорлар эътиборини қозонган.

Корхонада маҳаллий хом ашёдан самарали фойдаланиш натижасида пол, девор, зина, ошхона жиҳозлари учун тайёрланаётган плита — безак тошлар сифати доимо назоратда бўлиб, улар буюртмалар асосида турли ранг ва ҳажмда ишлаб чиқарилмоқда. Уларни тайёрлашда асосан табиий агломерат тоши ҳамда мрамар бўлаклардан фойдаланилади. Қўшма корхонада кўнага 1,5 минг квадрат метр плиталар ишлаб чиқариш имконияти мавжуд. Шуниси эътиборлики, тайёрланаётган маҳсулот энгиллиги, ўрнатишга қулайлиги, мустаҳкамлиги билан ажралиб ту-

ради. Бундай маҳсулотларга бунёдкорлик қўлами йилдан йилга ошиб бораётган, замонавий гўзал иншоотлар қад ростилаётган мамлакатимизда талаб катта.

«EVRO STONE» қўшма корхонаси тadbirkorлари ички бозорни шундай маҳсулотлар билан таъминлаб қолмай, ўз товарларини Қозоғистон, Рос-

сия, Беларуссия сингари кўшни давлатларга ҳам экспорт қилмоқда.

Келгусида эса улар ташқи ва ички бозорда янада фаол бўлишни, экспорт ҳажмини оширишни режалаштиришмоқда.

Ҳозирда корхонада 15 нафар малакали мутахассис меҳнат қилмоқда. Улар яратилган шарт-шароит ва имкониятлар-

дан оқилона фойдаланишмоқда. Tadbirkorлар жорий йилда ишлаб чиқариш ҳажмини ўтган йилгидан бирмунча ошириш, маҳсулот турларини кўпайтириш ниятида изланишмоқда.

Шарифа ИЛЁСОВА СУРАТЛАРДА: замонавий технологик линиялар қувватидан унумли фойдаланилмоқда.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ МАЖЛИСИ ТЎҒРИСИДА АХБОРОТ

2009 йил 2 октябрда Ўзбекистон Республикаси Вазирлар Маҳкамасининг мажлиси бўлиб ўтди. Мажлисда 2010 йил учун асосий макроиқтисодий кўрсаткичлар прогнози, солиқ ва бюджет сиёсати концепцияси, шунингдек, Ўзбекистон Республикаси Давлат бюджети пойхаси атрофида муҳокама қилинди.

Мажлисда Ўзбекистон Республикаси Президенти Ислам Каримов томонидан шу йил 13 февралда республика Ҳукуматининг мажлисида белгиланган 2009 йил учун мамлакатни ижтимоий-иқтисодий ривожлантириш дастурининг энг муҳим устувор вазифаларини рўйбга чиқариш, шунингдек, нафақат инкироз оқибатларини юмшатишга, балки кўпроқ даражада модернизациялашган, диверсификациялашган ва рақобатбардорлиги йўналтирилган Инкирозна қарши чоралар дастурини амалга ошириш юзасидан кўрилатган чора-тадбирлар иқтисодий ўсишнинг барқарор юқори суръатларини таъминлаётганлиги қайд этилди. Бу эса, ўз навбатида, Давлат бюджетининг даромад қисмига тушумлар прогнозини муваффақиятли ижро этишга ҳамда бюджет харажатларининг ўз вақтида молиялаштирилишига кўмак бераётганлиги таъкидланди.

Мажлис давомида Иқтисодиёт вазирлиги, Молия вазирлиги ва Марказий банкнинг ялпи ички маҳсулот, sanoat маҳсулотлари ишлаб чиқариш ҳажми, шу жумладан истеъмол товарлари ишлаб чиқариш ҳажми, қурилиш-монтаж ишлари ва хизмат кўрсатиш ҳажмлари ўсишининг юқори суръатларини сақлаб қолишни назарда тутадиган 2010 йил учун макроиқтисодий кўрсаткичлар прогнози бўйича таклифлари кўриб чиқилди ва қўллаб-қувватланди.

Мажлисда мамлакатни ижтимоий-иқтисодий ривожлантиришнинг энг муҳим устувор вазифаларига мувофиқ иқтисодиёт субъектларига солиқ юқини янада камайтириш ва ялпи ички маҳсулотда ундирилган солиқлар улушини қисқартириш, ишлаб чиқаришни модернизация қилиш, техник ва технологик қайта жиҳозлашни рағбатлантириш, аҳолининг даромадларини кўпайтириш ва харид қилиш қобилиятини ошириш,

солиқ маъмурчилигини соддалаштириш ва мукамаллаштириш чора-тадбирларини назарда тутадиган 2010 йил учун солиқ ва бюджет сиёсатининг концепцияси ва Ўзбекистон Республикаси Давлат бюджетининг лойиҳаси кўриб чиқилди.

Ҳўжалик юритувчи субъектларга солиқ юқини янада камайтириш мақсадида фойда солигининг асосий ставкасини пасайтириш, микрофирмалар ва кичик корхоналар учун ягона солиқ тўлови ставкаларини бирхиллаштириш ва пасайтириш, шунингдек, юридик шахсларнинг солиқ солинадиган фойдасидан улар томонидан ҳомийлик ёрдами ва эҳсон сифатида йўналтириладиган маблағларни чегиришнинг энг юқори миқдорини ошириш назарда тутилмоқда. Шу билан бирга, яқна тартибдаги тadbirkorлар учун қатъий белгиланган солиқ ставкаларини бирхиллаштириш таклиф этилмоқда.

(Давоми 2-бетда).

ҲУРМАТЛИ ҲАМШАҲАРЛАР, ҚАДРЛИ ЁШЛАР!

**СИЗЛАРНИ 2009 ЙИЛ 7-8 ОКТЯБРЬ
КУНЛАРИ СОАТ 9.00дан 16.00гача
БОБУР НОМИДАГИ МАДАНИЯТ ВА
ИСТИРОҲАТ БОГИДА
ЎТКАЗИЛАДИГАН БЎШ ИШ
ЎРИНЛАРИ ЯРМАРКАСИГА ТАКЛИФ
ЭТАМИЗ.**

Меҳнат ярмаркасида шахримизда фаолият кўрсатаётган корхона ва ташкилотларнинг 15442 та бўш иш жойлари таклиф этилади. Шунингдек, бевосита 180 дан ортиқ иш берувчи бўш иш ўринлари ҳамда кўргазмалари билан иштирок этади. Ярмаркада қуйидаги мутахассисликлар бўйича вакант жойлари тавсия қилинади:

- шифокор ва ҳамшира — 483 та
- тикувчи, бичувчи, йигирувчи — 741 та
- иқтисодчи-ҳисобчи — 131 та
- муҳандис-механик — 344 та
- ўқитувчи-тарбиячи — 272 та
- чилангар-сантехник — 843 та
- ҳайдовчи — 788 та
- электр ишлари бўйича мутахассис — 285 та
- кранчи-машинист — 236 та
- электргазпайвандчи — 197 та
- курувчи (сувоқчи-бўёқчи, гишт терувчи, бетончи) — 580 та

Ташкилий кўмита

ҚИСҚА САТРЛАРДА

Тошкент шаҳар ҳокимлигининг Ахборот хизмати ва ўз муҳбирларимиз хабарларидан.

✓ **ЎЗБЕКИСТОН** экологик ҳаракати Марказий Кенгаши ташаббуси билан экологлар иштирокида ўтказилган тадбирда янги ўқув маркази ташкил қилинганлиги, экологик соҳага оид ўқув адабиётлари чоп этилганлиги маълум қилинди.

✓ **ҒАФУР** Фулом номидаги маданият ва истироҳат боғида ёшлар иштирокида «Одам савдосига қарши курашиш» мавзусида ўтказилган тадбир Чилонзор туман ҳокимлиги, Республика Маънавий тарғибот марказининг туман бўлими ҳамкорликларида уюштирилди.

✓ **СОБИР** Раҳимов туманидаги Тошкент энгил sanoat касб-хунар коллежида ёшлар орасида соғлом турмуш тарзини шакллантириш мақсадларига бағишланган уюштирилган тадбирда ўқувчилар, ўқитувчилар, туман ФХДБ бўлими ходимлари иштирок этишди.

✓ **БУТУН** Ҳамза туманидаги Тошкент маиший хизмат кўрсатиш коллежнинг ахборот-ресурс марказида туман маданият ва спорт ишлари бўлими ҳамкорлигида ўқувчилар, ўқитувчилар, ёзувчилар иштирокида уюштирилган маънавий-маърифий тадбир «Китоб — билим булоғи» деб номланди.

МАМЛАКАТИМИЗДА

• Тошкент Ахборот технологиялари университети Фарғона филиалининг янги биноси фойдаланишга топширилди. Мазкур бинони Олтиарик туманидаги «1-қўчма механизациялашган қарвон» масъулияти чекланган жамияти қурувчилари қисқа вақт ичида бунёд этишди. Филиалнинг янги ўқув биносида ёшларнинг замонавий билим олишлари учун барча қулайликлар яратилди.

• Тошкент вилоятининг Зангиота туманида жойлашган аёллар колониясида Ўзбекистон Республикаси Олий Мажлиси Сенатининг 2009 йил 28 августда қабул қилинган «Ўзбекистон Республикаси Мустақиллиги эълон қилинганлигининг 18 йиллиги муносабати билан амнистия тўғрисида»ги Карорининг ижросини таъминлашга бағишланган тадбир бўлиб ўтди.

• Ўқитувчилар ва мураббийлар куни арафасида Касби туманининг Қатагон қишлоғида фахрий муаллим Холбой ота Хонкулов ташаббуси билан Ёшлар маркази кутубхонаси очилди. Ундан Холбой муаллимнинг 20 минг китоб ва 6 мингдан ортиқ газета ва журналлари ўрин олган.

• Самарқанд шаҳрида «Самарқанд нонлари» деб номланган кўрик-танлов бўлиб ўтди. Тадбирда вилоятдаги барча туман ва шаҳарлардан келган моҳир новвойлар ўз маҳсулотлари билан иштирок этишди. Ғолибларга ташкилотчилар томонидан қимматбаҳо совғалар топширилди.

• Узун тумани ҳокимлиги, прокуратура, бандликка кўмаклашувчи маркази ташаббуси билан маданият ва истироҳат боғида меҳнат ярмаркаси уюштирилди. Унда қарийб 600 га яқин корхона, ташкилот ҳамда муассаса бўш иш ўринлари билан қатнашди. Тадбир давомида 100 нафарга яқин киши муқим иш жойларига эга бўлишди. Уларнинг асосий қисмини аёллар ва ёшлар ташкил этади.

• Кўкон шаҳрида маҳаллийлаштириш дастури асосида «Имоно-Групп» Ўзбекистон-Хитой қўшма корхонаси ташкил этилди. Ҳозирда мазкур қўшма корхонада Навоий тоғ-металлургия комбинати ва «Ўзметкомбинат» бирлашмаси буюртмаси асосида махсус пойабзаллар ишлаб чиқарилмоқда.

ЖАҲОНДА

• Корея Халқ Демократик Республикаси маъмурияти мамлакат Конституциясига ўзгартиришлар ва қўшимчалар киритди. Аслида ўзгартиришлар киритилган Конституция шу йил апрелда кучга кирганиди, бироқ Конституция моддалари билан танишишга энди имконият яратилди. Таъкидлаш жоизки, янги таҳрирдаги Бош Қонунга инсон ҳуқуқлари ва эркинликларини ҳимояловчи моддалар ҳам киритилган.

• Грецияда муддатидан олдин ўтказилган парламент сайловларида А.Папандреу бошчилигидаги муҳолифатдаги партия галаба қозониб, парламентдаги кўпчилик ўринларга эга бўлди.

• Бугун Аргентинада жаҳондаги етакчи газ компаниялари раҳбарлари ва экспертлари иштирокида 24-Бутунжаҳон газ конференцияси очилди.

• Миср Президенти Хусни Муборак Исроилни Фаластин билан музоқараларни бошлашга даъват этди.

• Шу ҳафтада 2009 йилги Нобель мукофотлари соҳибларининг номлари эълон қилинади.

• Суматра ороли қирғоқларида рўй берган кучли zilзила қурбонларининг сони 3 минг кишига яқинлашиб қолди. Мингга яқин жабранланган эса касалхоналарда даволанмоқда. Ҳозир бу ерда қутқарув ишлари давом этаётган бўлиб, 18 та мамлакат қутқарувчилари ишламоқда.

• Кеча Доғистонда йирик террорчилик ҳаракатининг олди олинди. Дербент шаҳрида энгил автомобилга ўрнатилган портловчи қурилма робот томонидан зарарсизлантирилди.

• Кеча Италиянинг жанубий қисмида рўй берган қучли ер силкиниши натижасида 23 киши ҳаётдан кўз юмди, 95 киши эса турли даражадаги тан жароҳатларини олди.

• Филиппин аҳолиси сув тошқинларидан азият чекаётган бир пайтда юз берган тўфон уларга янада қийинчилик туғдирди. Табиий офат олти соат мобайнида 3,2 мингга турар жой ва кўплаб маъмурий биноларни вайрон қилган. 370 мингдан ортиқ одам кўчада қолган ва 240 нафар киши ҳалок бўлган.

• АҚШда давлат хизматчиларининг автомобилни бошқараётганда SMS хабар ёзишлари тақиқлаб қўйилди. Мамлакат транспорт вазирининг таъкидлашича, бундай қарорга келиниши давлат идоралари вакилларининг ҳаёти ва соғлигини асрашда муҳим аҳамиятга эгадир.

